

種福堂醫案
卷上



序

華興余家世為姻娅華君

禧通岐黃術常存利濟救

心終上不倦內慕吳門葉天士

生為常少盧扁留心覓其醫

約計盈萬分門選刻共成十卷

序

一



南京中醫藥大學圖書館版權所有

名曰臨證指南已通行海宇矣
至申歲又將其續補醫案
論與平生所集各種經驗
付刊以備救急其願甚誠
癸秋謝世其方止刻之
半塗而廢見者咸為惋惜
華君



好友岳君廷璋不忍睽視
微蘓義商程義兩君子
鑒以公同志一日漢川程
君出此編正余作序予素
不識醫且當公務總掣軍
書旁午竟不暇及第展閱
一過了然心目



北京大學圖書館藏

洵為青囊所不可缺之書也
扁鵲起而能全是以別
真偽於鄉閭僻壤患者
時軍有良醫調劑備此查
症用藥立能起死回生功
效匪淺慎勿以此編易洵
而忽諸



乾隆四十年冬小春月

賜進士出身

欽命四川按察使司按察司

級凝臺杜玉林撰并書



南京中医药大学图书馆版权所有

續刻集案精選良方目

卷一

續刻臨證指南醫案

溫熱論

卷二

中風

盜汗

赤白濁

膈

針灸

補益

咳嗽

蟲

便閉

黃疸

勞

吐血

痞塊

風寒濕痺

河白



南京中醫藥大學圖書館藏

中暑霍亂

消渴

瘟疫

痧

癰癤

瘡

泄瀉

痢

脫肛

痔漏

腸風

溺血

卷三

疝氣

心口胃脘痛

呃逆

欬逆

耳

目

鼻

口

舌

牙

咽喉

癰疽

疔

癰瘡結毒

下疳



中毒

諸瘡

諸丹毒

無名腫毒

卷四

跌打損傷

圍藥

提藥

降藥

代針點頭

長肉收口

麻藥

痛藥

諸風

疥癬

雀斑

疣痣

小兒門

初生

雪口

驚風

稀痘方

痧痘

急慢驚風

瘕積

婦人門

胎前

血崩漏

產後

乳疾

經帶

雜症



南京中医药大学图书馆版权所有

種福堂精選良方兼刻古吳名醫精論卷一

古吳葉桂 天士先生論 錫山華南川岫雲校

溫熱論

邪從口鼻而入故曰上受但春溫冬時伏氣戕於少陰溫春時溫氣而發非必上受之邪也則此所論溫邪乃溫邪上受首先犯肺逆傳心胞肺主氣屬衛心主血屬營辨營衛氣血雖與傷寒同若論治法則與傷寒大異蓋傷寒之邪留戀在表然後化熱入裡溫邪則執變最速未傳心胞邪尚在肺肺主氣其合皮毛故云在表在表初用辛涼輕劑挾風則加入薄荷牛蒡之屬挾濕加蘆根滑石之流或透濕於熱外或滲濕於熱下不與熱相搏勢必孤矣不爾風挾溫熱而燥生清竅必乾謂水主之氣不能上榮

是溫風
濕溫之
發於春
未夏初
者也

兩陽相劫也濕與溫合其鬱而蒙痺於上清竅為之塞
濁邪害清也其病有類傷寒其驗之之法傷寒多有身重
溫熱雖久在一經不移以此為辨
前言辛涼散風甘淡驅濕若病仍不解是漸欲入營也營
分受熱則血液受劫心神不安夜甚無寐或斑點隱隱即
撤去氣藥如從風熱陷入者用犀角竹葉之屬如從濕熱
陷入者犀角花露之品參入涼血清熱方中若加煩躁大
便不通金汁亦可加入老年或平素有寒者以人中黃代
之急急透斑為要若斑出熱不解者胃津亡也主以甘寒
重則如玉女煎輕則如梨皮蔗漿之類或其人腎水素虧



雖未及下焦先自徬徨矣必驗之於舌如甘寒之中加入
鹹寒務在先安未受邪之地恐其陷入易易耳若其邪始
終在氣分流通者可冀其戰汗透邪法宜益胃令水與汗
併熱達腠開邪從汗出解後胃氣空虛當膚冷三日晝夜待
氣還自溫暖如常矣蓋戰汗而解邪退正虛陽從寒泄故
漸膚冷未必即成脫症此時宜令病者安舒靜臥以養陽
氣來復旁人切勿驚擾頻頻呼喚擾其元神使其煩躁但
診其脉若虛軟和緩雖倦臥不語汗出膚冷却非脫症若
脉急疾躁擾不臥膚冷汗出便爲氣脫之症矣更有邪盛
正虛不能一戰而解停一二日再戰汗而愈者不可不知

寧涼開
師便是
計則非
如傷寒
之肩脉
桂枝湯
也

再論氣病有不傳血分而邪留三焦亦如傷寒中少陽病也彼則和解表裡之半此則分消上下之勢隨症變法如近時杏朴芩等類或如溫胆湯之走泄因其仍氣分病可望其戰汗之門戶轉瘧之機括大凡看法衛之後方營氣營之後方言血在衛汗之可也到氣纔可清氣入營猶可透熱轉氣如犀角玄參羚羊等物入血就恐耗血動血直須涼血散血如生地丹皮阿膠赤芍等物否則前後不循緩急之法慮其動手便錯反至慌張矣且吾吳濕邪害人最廣如面色白者須要顧其陽氣濕勝則陽微也法應清涼然到十分之六七即不可過於寒涼恐成功反棄何

以故耶。濕熱一去。陽亦衰微也。面色蒼者。須要顧其津液。清涼到十分之六七。往往熱熾身寒者。不可就云虛寒。而投補劑。恐爐烟雖熄。灰中有火也。須細察精詳。少少與之。慎不可直率而往也。又有酒客裡濕。素盛外邪入裡。裡濕為合。在陽旺之軀。胃濕恒多。在陰盛之體。腳濕亦不少。然其化熱則一。熱病救陰。則易通陽。最難救陰。不在血而不在津。與汗通陽。不在溫而在利。小便然較之難症。則有不

同也。

再論三焦。不得從外解。必致成裡結。裡結於何在。陽明胃與腸也。亦須用下法。不可以氣血之分。就不可下也。但傷

寒熱邪在裡。劫燥津液下之宜。猛此多濕。利溲溲下之宜。
輕傷寒大便溲。為邪已盡。不可再下。濕溫病大便溲。為邪
未盡。必大便硬。慎不可再攻也。以屎燥為無濕。大便溲為
體腕在腹上。其地位處於中。按之痛。或自痛。或痞滿。當用
苦泄。以其入腹近也。必驗之於舌。或黃或潤。可下。或黃而
湯。或瀉心湯。隨症治之。或白不燥。或黃白相兼。或灰白。不
渴。與不可亂投苦泄。其中有外邪未解。裡先結者。或邪鬱
未伸。或素屬中冷者。雖有腕中痞痛。宜從開泄。宜通氣滯。
以達歸於肺。如近俗之杏蔻橘枳等。是輕苦微辛。且流動
之品可耳。



再前云。舌黃或濁。須要有地之其與。若光滑者。乃無形濕熱。中已虛象。大忌前法。其臍已上為大腹。或滿或脹或痛。必邪已入裡矣。表症必無。或十之存一。亦要驗之於舌。或黃甚。或如沉香色。或如灰黃色。或老黃色。或中有筋紋。皆當下之。如小承氣湯。用枳榔。青皮。枳實。玄明粉。生首烏等。若未現此等舌。不宜用此等法。恐其中有濕聚太陰。或寒濕錯雜。為痢。或氣壅為脹。又當以別法治之。再黃胎不甚厚而滑者。熱未傷津。猶可清熱透表。若雖薄而乾者。邪雖去而津受傷也。黃車之藥當禁。宜甘寒輕劑可也。